

欽定大清會典

一
函
九
冊

欽定大清會典卷七十三

工部

虞衡清吏司

採捕

凡採捕有三曰東珠曰貂皮曰人參貂珠歲由黑龍江將軍捕牲總管按數選取輸納人參由戶部給票委官經理均會同內務府分等驗收貯庫 凡採捕之法採珠設珠軒置長上三旗珠軒五十有四五旗珠軒三十有四每珠軒以得東珠十有六顆爲率重自一分至十分爲度每歲合計所入之數佳者或以一當五或以一當四當三當二尋常者仍以一當一分爲五等不及等者不入正數內○捕貂索倫壯丁每名歲捕一貂冬季選貢鄂倫椿食糧壯丁如之其不食糧者每名亦歲捕一貂三等以上給直不及等者不給直烏良海壯丁每名歲捕二貂按數輸納○採人參戶部委官攜信票出口招商給票入山開採每票以納人參十有二兩爲則每歲所採以給票之多寡爲盈縮採二年三年間停一年由 盛京吉林將軍寧古塔副都統隨時酌奏 凡採捕賞罰總管翼長驍騎校領催等督採東珠溢數至三十顆爲一分多者按分加算賞給布帛有差溢數得千顆者總管翼長加一級驍騎校領催等按分加賞上三旗

由內務府下五旗由各王貝勒貝子等給予闕額至十顆爲一分闕多者亦按分加算官降罰壯丁鞭責各有差貂皮三等一等五百二等一千餘以三等收納足數及等者計額給賞銀布足數不及等者無賞免議不足數者罰責各有差 凡採捕禁令貂珠人參禁偷採旗民有犯皆論如法私載私販與盜探同該管官及守口官弁失察徇縱者並論

鼓鑄

凡鼓鑄之法隸工部者曰寶源局置鑪二十有一歲鑄錢七十一卯

以六千二百四十九緡二百七十文爲卯得錢四十四萬

三千六百九十八緡百七十文遇閏加鑄四卯得錢二萬四千九百九十七緡有八十文月運節慎庫備用 凡寶源局事掌於滿漢右侍郎其滿漢司官簡用更代及選委筆帖式期滿升用與戶部寶泉局同 凡寶源局出錢以給工直餘俟戶部咨領到庫按數給發兵餉月以三萬緡爲率 凡雲南之銅歲輸

京師寶源局者如戶部三分之一正運四每運銅三十六萬斤加運二每運銅三十萬六千七百二十斤

共銅二百五萬三千四百四十斤其色之高下運之遲速驗收考察均如戶部 凡寶源局需用黑銅鉛

錫歲輸自出產之省與戶部所用統解分收貴州白鉛上下正副分爲四運共一百三十萬一千九百十

有四斤湖廣黑鉛上下二運共二十三萬三千五百二十三斤廣東錫歲一運計七萬五百七十一斤承

運官及定限與運銅同

凡錢法考成禁令詳見戶部

軍器

凡修造甲冑囊鞬佩刀由八旗以應造之數具册咨部部按官校及馬步軍等則各旗定價移戶部豫支官兵俸餉令軍需局依式造給需用烏槍由旗咨部以庫貯給發○吉林新來京官兵給以軍器由該管官册具人數咨部折價令其自備 車駕巡幸官兵需用帳房官以藍色兵以白色皆布爲之由部備

造貯庫各旗屆期領用回日按數交納○直省駐防及綠旗營官兵鎧仗或增置或補闕均由督撫接修理城垣衙署例定價報部刊定章程畫一報銷 或製造火器大者曰礮其制或鐵或銅或鐵心銅體或

銅質木鑲或鐵質飾金重自五百六十斤至七千斤輕自三百九十斤至二十七斤長自一尺七寸七分至丈有二尺其擊遠或宜鐵彈或宜鉛子均助以火藥引以烘藥鐵彈自四十八兩至四百八十兩鉛子自二兩至二十八兩火藥自一兩三錢至八十兩烘藥自三四錢至二兩皆按礮尺馬下度數以定所及之遠近鑄礮之時或奉 旨命官監督或由部委官無常制小者曰烏槍曰火瓢曰火毬曰火箭曰弩

箭曰噴筒曰銃皆隨時成造○部設濯靈廠委官制備火藥 特命大臣督理廠設石礮二百盃每盃

置藥三十斤爲一臺每臺礮三日者以備軍需礮一日者備演槍礮豫貯軍需火藥以三十萬斤爲率隨

用隨備八旗試演槍礮 盛京熱河右衛綏遠城及各蒙古等處兵丁操演所用火藥皆按年備造隨時

憑文支給每火藥百斤隨烘藥一斤由部覈給硝磺二價製成請 命大臣驗收覈實奏銷○直省駐

防標協各營及邊關要隘分貯神功神威子母等礮每歲演放或年久鎔蝕煨舊鑄新或綜覈盈絀酌撥

均貯由各將軍督撫提鎮題准報部存案至修造鳥槍等器及歲需火藥鉛彈皆動用帑帑報部覈銷

凡 王命旗牌自經略軍務至直省督撫提鎮皆 賜給以重委任損失者重論○旗以藍繪爲之

方二尺六寸金書令字鈐以兵部印牌以木製形圓高一尺二分闊七寸五分厚一寸髮以硃漆中鐫令

字飾以金旁鐫號數槍長七尺圍一寸亦鐫號以備考察○步軍統領及直省駐防將軍皆給令箭箭上

書金字如其官名綴以黃繪小旗歲入疏請由部更製頒給

雜料

凡鑄器頒行戶部及直省有司度量權衡由部按成式鑄造 壇廟 陵寢內務府八旗各部

院寺及外藩外國賓館並各工所需用銅鐵器具皆委官督匠造給需用物料或以庫貯給發或移戶部

支取或按市價採買皆月要其數奏銷 凡陶器內務府及各衙署工所取用陶器計其高下尺寸口徑

大小按市價採買給發 凡黃布幔城網城及椿鏃駝屨備造貯庫遇 車駕巡幸需用內務府八旗

太僕寺各衙門定數咨取事畢如數交還 凡造車八旗礮車及棉簾車遇有修造購木材於直省支物料於戶部委官監製工竣題銷部設馬車九以供木倉門簾庫等處運送物件之用草荳役食均於戶部支領 凡葦席竿繩貯於惜薪廠收掌所內務府及各部院寺工所賓館遇有需用按數給發如用久殘朽給直採辦工完按時日之久暫定成數之多寡分別交回有逾限不交及損失者論

欽定大清會典卷七十四

工部

都水清吏司

河工 水利附

凡河道工程黃淮二瀆爲大運河次之永定河又次之及南北條諸川湖淀附流入海分流濟運者咸受治焉 凡職掌江南河道總督一人掌黃淮會流入海洪澤湖汕黃濟運南北運河洩水行漕及瓜洲江工支河湖港疏濬隄防之事所屬河庫道一人掌出納河帑淮徐河道一人轄銅浦邳睢宿虹桃源同知四人豐蕭碭宿遷運河通判二人二十四汎州同州判各一人縣丞五人主簿十有二人巡檢七人分營

詳見 淮揚河道一人轄山清襄河山清外河山安海防江防同知五人高堰山盱桃源安清中河揚河揚

糧水利通判六人三十八汛州同州判各三人縣丞十有四人主簿十人巡檢八人又西溪司安豐司管

司巡檢各一人十四插插官十有一人分營詳見則例河營參將一人統轄淮徐淮揚各營淮徐河營游擊一

人轄九營守備九人二十一汛千總八人把總十有三人淮揚河營游擊一人轄十一營守備十有一人

二十六汛千總九人把總十有七人葦蕩營參將一人轄左右營守備千總把總各二人○山東河南河

道總督一人掌黃河南下汶水分流運河蓄洩及支河湖港疏濬隄防之事所屬山東運河道一人轄運

河沂鄆海贛同知二人泲河捕河上河下河泉河通判五人二十八汛州同州判各三人縣丞十人主簿

十有二人分營詳見則例分理泉河州同二人府經歷三人縣丞六人巡檢一人四十八插插官三十一人竟

沂曹兼管黃河道一人轄曹單黃河同知一人四汛縣丞一人主簿二人巡檢一人黃運河營守備一人

轄七汛千總五人把總二人東昌德州二府管河守備各一人德州運河南北兩岸管河千總各一人河

南開歸陳道一人轄上南河下南河同知二人儀考商虞通判二人十二汛州判一人縣丞七人主簿四

人彰衛懷道一人轄懷慶黃河開封上北河下北河同知三人彰德河務衛輝鹽河懷慶河務曹儀河務

通判四人二十汛縣丞八人主簿十人巡檢二人又林縣管河典史一人豫河懷河二營守備各一人協

辦守備各一人轄七汛千總四人把總三人○直隸總督兼河道總督一人掌漳衛入運歸海永定河歸

淀疏濬隄防之事所屬永定河道一人轄石景山永定河南岸北岸同知三人三角淀通判一人十五汛州判三人縣丞主簿各五人吏目二人通永河道一人轄北運河務關同知一人北運河楊村蘆運糧河通判二人十三汛州同一人州判四人縣丞三人主簿五人天津河道一人轄南運河津運河閒河捕同知二人泊河子牙河通判二人西汛清河故城吳橋管河縣丞各一人東汛景州滄州管河州判各一人天津管河縣丞一人東光交河南皮青靜海獻管河主簿各一人青縣管河巡檢一人清河道一人轄保定河捕同知一人正定糧馬河通判一人分汛冀州邢州安州管河州判各一人武強隆平靈晉兼管河務知縣各一人清苑蠡高陽新安雄安肅新城管河縣丞各一人保定任邱唐管河主簿各一人滿完方順橋管河巡檢各一人深澤管河典史一人大廣順河道一人轄廣大漳廣平河務漳河同知三人分汛永年邢臺沙河南河平鄉廣宗鉅鹿唐山內邱任元城大名魏東昉長垣兼管河務知縣十有五人元城大名魏長垣管河縣丞各一人永年成安管河典史各一人永定河河營守備一人轄南北岸淀河三汛千總把總各一人石景山汛千總一人北運河汛千總把總各三人南運河汛千總一人把總八人東淀營船千總一人西淀營船把總一人 凡河兵各有定額詳見兵部營制於綠旗營兵之外別自爲伍專屬河工調遣及守汛防險之事其分戰守給餉仍如綠旗營制惟江南葦蕩營河兵專司樵採不與雜役 凡夫

役江南山東河南設堡夫山東江南設牮夫直隸山東設淺夫河南設柳船長夫椿埽夫山東設徭夫泉夫壩夫軍夫輜渡夫直隸設袂夫防夫各隨其地之宜其食於官也則視役之輕重以爲差山東運河屆疏濬之年按其工之大小別募夫役工竣則止 凡工式蓄洩隨宜曰牮蓄洩以漸曰涵洞束水曰隄隄外重以隄曰遙隄隄外築隄俾河流遠越而過曰越隄亦曰月隄兀立者曰縷隄截流曰壩洩漲者曰滾水壩曰竹絡壩銳出河流以分水勢者曰磯嘴壩護隄曰埽埽有魚鱗龍尾丫頭之別護埽曰障障有六楞三楞排木之異他如以導大溜則有木龍柳障以濟覆舟則有救生椿木均如式建置限年保固 凡經費各工有修防之費有俸餉之費有役食之費有歲報圖冊之費江南河工有歲增高五寸之費山東有疏濬運河之費各有常額江南以河庫道河南以開歸陳道彰衛懷道山東以運河道直隸以天津道通永道永定河道清河道大名道掌其出納歲要其數於河道總督覈實奏銷侵蝕者論 凡物料葦柳秫稽論束縶麻論斤土論方輒論塊石料分雙單椿木別杉楊下至石灰米汁釘鐵之屬各有定則有額者歲辦如額無額者如其需用之數購備均按則給價剋扣浮冒者論 凡修防以工程告竣保固限滿交汛之日爲准其工當衝溜須用長椿大埽歲加鑲築費有定額者曰歲修或河流遷徙及三汛屆臨偶被刷損隨時搶護工費在五百兩以內者曰搶修江南黃運河隄工每歲增高五寸亦曰歲修其覈費具題

也歲修以十月搶修無定期題銷均以次年之四月逾限者論別案大工不在此限 凡三汛歲以清明節閱二十日爲桃汛自桃汛後至立秋前爲伏汛自立秋至霜降爲秋汛屆期該管官弁督率兵夫多備物料晝夜分防有警則鳴金爲號集附近兵夫協力搶護如汛臨工固河道總督馳奏安瀾 凡疏濬河道面必廣底必深運土必於隄內無隄者以去河百丈爲率運河歲小濬間歲大濬黃河無定期遇沙停淤積卽爲濬治其法或以勺或以刮版或以浚船皆因地制宜不拘器具 凡浚船以疏濬河道柳船以濟運物料各船與浚船同石船與柳船同均以三年小修五年大修更造則河南江南以八年直隸以十年 凡保固黃河工程限一年運河限三年江南河東同直隸南運河限三年北運河限二年永定諸河險工限一年平易工程並限三年均以報竣之日起限限內衝決責承修官暨督修官賠修不修治以罪限內衝決守汛官弁暨該管文武官沿河州縣皆分別議處 凡葦柳議敘河工官弁於沿河隙地捐資種植葦柳小楊備用者葦以一頃柳以五千株楊以五百株計算各紀錄一次按數遞加葦至四頃柳至二萬株楊至二千株者各加一級居民捐種葦柳小楊至官弁應議加二級之數者各予以九品頂帶榮身葦蕩營餘葦至十萬束以上者議敘不及數者分別議處 凡禁令隔官非時啟閉糧船不候會牌官民船不遵漕規擅自爭放並頑民包攬夫役盜決河防或傍隄驅車占隄蓋房者均有禁違者並論如律

凡水利直省河湖淀泊川澤溝渠有益於民生者以時修治務令蓄洩隨宜旱潦有備以府州縣丞倅佐
貳董其役各給以管理水利職銜

海塘 江防附

凡海塘江南以蘇松太道浙江北塘以杭嘉湖道南塘以寧紹台道掌其修防之政承以府丞倅分理以
州縣佐貳等官事關題奏均由督撫 凡塘工皆以石其非潮汐衝撼之所間用土工或用柴工均如式
建置限年保固物料價直率與江南河工同 凡歲修歲以冬至前該管道察其境內塘工之應修治者
計費以申於督撫督撫覈實迺率屬興工工竣限四閱月奏銷每歲俸餉役食之費咸入奏焉 凡塘汛
沿塘十里或五里爲一汛每汛設一斥堠在汛各兵晝夜分巡以資防守 凡夫役江南設塘長每塘四
里或五六里設一長浙江設堡夫北塘一里一夫南塘二里一夫皆令在塘主守遇柴土各工偶有刷損
卽爲補治歲給役食有差 凡江防四川以成都府同知湖廣以武漢黃德道上荆南道下荆南道江西
以九江府同知掌其修理均無定期如所屬隄岸工程偶被衝刷該管道廳卽履勘計費以申於督撫督
撫覈實具題興工工竣報銷惟江南瓜洲江工歲修由江南河道總督奏銷

詳河工
典則

橋道

凡都城街道十有六外曰正陽門街曰崇文門街曰宣武門街曰左安門街曰右安門街均南北爲衢曰廣寧門街曰廣渠門街均東西爲衢內曰崇文門街曰宣武門街曰安定門街曰德勝門街曰地安門街均南北爲衢曰朝陽門街曰阜成門街曰東直門街曰西直門街均東西爲衢坊二十有四在正陽門外正陽橋者以橋名坊朝陽門外達東郊。日壇神路者曰景升阜成門外達西郊。月壇神路者曰

光恆

舊均名禮神街

安定門外達北郊

方澤壇者曰廣厚

舊名泰折

東西長安街均以街名坊

大清門東曰

數文西曰振武崇文門內曰就日宣武門內曰瞻雲東大市街南北均以街名坊東曰履仁西曰行義西大市街與東大市街同大學東西皆曰成賢府學東西皆曰育賢 帝王廟東西皆曰景德其界則外

屬五城內隸八旗平治由步軍統領繕修均由部○直省坊衢之政各由地方有司掌之禁侵占時修理其工要而費鉅者並准動帑修造報部駁銷 凡都城橋梁內外跨 御河者十護 禁城者十有五水

陸大小橋梁三百有七十均由部時其修理以利行人○直省府州縣治護城河均設橋梁與 京師同其津要之處隨宜建置動帑者按則報銷 凡除道恭遇 乘輿出入九門以內由步軍統領九門以

外由大興宛平縣令先期清

蹕○

巡幸直省由地方有司平治

御道嚮導大臣暨隨

駕之本部堂司官察勘 凡柵關 禁城內外共千七百二十有六以司啟閉遇有損壞內城由八旗外

城由三營各申步軍統領咨部修葺 凡水溝周通 京城大小衢巷以洩夏秋潦水歲以暮春或季秋
司坊官旗弁各列內外城應疏溝道呈步軍統領募夫濬治工竣由部委官察勘

船政

凡糧船山東河南江蘇安徽浙江每船長七丈一尺闊一丈四尺四寸江西湖廣長十丈短者九丈每造

一船給工料銀二百八兩由部准戶部移咨覈覆興工各令本省糧道監造造後出運十年報部題銷

及更造年限 凡戰船每船長十有一丈至一丈九尺闊二丈三尺五寸至九尺六寸各有差天津山東
詳戶典漕運

福建船均屬外海江西湖廣均屬內河江南浙江廣東分屬外海內河外海定限三年小修六年大修九

年再大修不堪修者更造內河三年小修八年大修十一年再小修十四年再大修不堪修者更造修造

之費有正價有津貼正價各以其直無定額津貼每正價百兩自加四加六加八至加倍倍半有差由部

准兵部移咨覈覆修造各令本省道員會同副參等將弁監造工竣報部題銷 凡水驛船江蘇安徽江

西湖廣東均定限三年小修五年大修十年更造其湖廣之宣樓船每歲一修更造同浙江四川大修

以六年小修更造同廣西小修以三年更造以五年工料銀小修自一兩七錢至九十七兩大修自二兩

九錢至一百九十一兩更造自大兩九錢至二百九十四兩歲修湖北二十一兩湖南十有六兩各有差

由部准兵部移咨覈覆修造工竣會兵部題銷 凡應等船江南定限三年小修六年中修九年大修十二年更造浙江三年小修六年大修十年更造工料銀小修自十有九兩至六十八兩中修自七十三兩至九十四兩大修自二十九兩至一百五十九兩更造自九十七兩至二百六十兩各有差由部准督撫移咨覈覆修造工竣報部題銷 凡直省河海江湖及灘汛危險之處各設救生船修造年限視內河戰船各省同惟山西之河津甘肅之歸德所船無修限率數年一造工料銀小修自二兩二錢至二十七兩大脩自四兩三錢至四十五兩更造自七兩七錢至七十九兩各有差由部准督撫移咨覈覆修造工竣報部題銷 凡直省水陸通衢有浮梁亦名橋船有渡船或歲修或限年修各省不同更造率以十年惟浙江尖山浮梁以二年四川通西藏渡船以三年福建廣東海口渡船修造與戰船同並准動帑辦理由部覆銷

藏冰

凡伐冰取諸 御河及龍王堂蓮花池歲以冬至後半月部委司官一人募夫伐冰取其明淨堅厚者以方尺有五寸爲塊 凡納冰 紫禁城內窖五藏冰二萬五千塊 景山西門外窖六藏冰五萬四千塊 德勝門外窖三藏冰二萬六千七百塊以供各 壇 廟祭祀暨 內廷之用德勝門外土窖

二藏冰四萬塊 正陽門外土窖二藏冰六萬塊以供公廡官學及各門各監獄官設暑湯之用 凡工費計塊酬直以納於 紫禁城內及各門外爲差如藏冰不敷用從市採買以夏月及秋月爲差均由部給發 凡畿輔藏冰以供 陵寢祭祀 昭西陵由遵化州薊州 孝陵 孝東陵由豐潤縣景陵由遵化州 妃園寢由薊州 泰陵由易州 孝賢皇后陵寢由豐潤縣均豫年伐藏 凡 車駕巡幸直省均由地方有司供用無常數惟熱河定冰三千塊喀喇河屯三百塊巴克什營兩間房長山峪樺榆溝中關小營波羅河屯各百塊均豫年伐藏 欽定大清會典卷七十五

工部

都水清吏司

器用

凡表函 皇帝恭進 皇太后表文函高三寸長尺有六寸廣六寸杉木質黃髮繪金雲龍文上

皇太后奏書函高二寸一分長尺有一寸五分廣五寸八分杉木質糊以黃雲龍綺王公百官恭進

皇帝表文函高六寸長尺有八寸廣五寸五分杉木質糊以黃綾恭進 皇太后表文 皇后箋

文同 凡尊藏

寶錄金匱高四尺五寸廣四尺一寸五分縱二尺二寸櫺木質裏以銅塗金琢雲

龍以內貯格四及裏均糊以黃繪 凡尊藏

玉牒匱廣四尺深三尺九寸箱大三尺一寸深尺有

九寸高視卷帙以爲度每屆繕修之年各依成式增高六寸杉木質黃髮者匱二箱四朱髮者匱二箱六

均繪金雲龍文 凡歲藏 記注匱高二尺長二尺五寸廣尺有六寸松木質朱髮 凡唧 詔金鳳

高二尺一寸五分承以朶雲廣三尺四寸均銅製塗金 凡 詔 勅均用黃紙 詔書表裏二

層勅書三等龍香箋表裏四層畫龍箋三層印龍箋二層 殿試金榜與 詔書同 凡世襲佐領印

軸黃紙製表裏二層高尺有五寸五分長數丈至數十丈有差四周作螭文緣以色綾軸端用紫榆木

凡功牌五等均白紙製表裏二層一等功牌長三尺六寸五分二等三尺三寸五分三等三尺有五分四

等二尺八寸五分五等二尺六寸五分均高尺有五寸五分餘制與印軸同 凡糊飾 太和殿 保安

殿 中和殿 文華殿牕牖用朝鮮貢紙歲一糊飾博縫用黃綾二年一糊飾各 壇 廟牕

牖路鐙由太常寺移文外藩王公外國貢使館舍由禮部理藩院移文到部委官糊飾 凡設案 朝會

慶賀諸典禮設 表案 經筵設 御書案講案 頒賞設賞案 賜燕設食案考試設闈卷案

准各該衙門移文供用 凡簪花進士赴 恩榮燕用金飾銀花一枝采花五百枝各筵燕及安吻上

梁需用銀花均准禮部移文置造供用 凡公署館舍日用器物及 欽差官恭齋 詔 勅箭箱鎖鑰之屬均詳具名目由部覈給○造作器用需用竹木砂石由部行直省出產州縣採買解送

織造

凡祭帛七等曰郊祀制帛曰告祀制帛其色青黃曰奉先制帛色白曰禮神制帛青赤黃白黑五色曰展親制帛曰報功制帛均色白各制帛名皆織清漢文於帛端曰素帛無文歲由江寧織造入貢輪部以供太常祭祀之用 凡誥勅軸 誥曰奉天誥命 勅曰奉天勅命皆織清漢文於軸端繞以龍文

誥命四品以上用五色紵絲五品以下三色 勅命用白綾一品玉軸鶴錦面二品犀軸螭錦面三四品裏金鞋五品角軸均花錦面六品以下軸同五品小團花錦面 凡校尉服色供 壇廟及宮殿之役者服遜衣昇輦輿用紬執事用絹色赤織團花文 凡采繪織染五色以供 國家慶典

耕藉 親蠶祭祀筵燕及各公署典禮張幔結采之用

關稅

凡天下關津權務戶部掌之其隸工部者專稅竹木商旅輻輳之地閒權船貨皆因地制宜 凡直省工關應徵木稅悉取折色惟 盛京寧古塔或十五取一以供工作或十取其一變價解京 凡工關稅額